



大埤苦傷悲

阮厝是桃園庄跤作田人，阮的田攏是用中埤(pi)恰水泉埤的埤水來灌溉。這兩口埤是相連做伙，毋過毋是雙連埤，因為水泉埤埤底較懸，中埤較低。

細漢時，六月冬工課無閒煞，阮猶是佇歇熱期間，埤水嘛落焦(làu-ta)，阮遮的看牛囡仔就佇埤底釘一枝牛杙仔(gû-khit-á)，縛一條三丈長的牛索，按呢牛圍杙仔羗一个圓箍仔，一工落來，就會當食甲一肚飽。阮遮的看牛囡仔親像鳥仔放出籠，相邀相招，去挖蜂岫(thà-phang-siū)，拍滂沏(phah-phōng-siū)，過阮一生中上蓋快樂的囡仔時。

時間來到中秋後，兩口埤的埤水攏湏滿滿，我看牛來埤岸食草，中埤水面曠闊，埤中有幾隻水披仔(tsuí-phi-á)佇遐藏水沫(tshàng-tsuí-bī)，水光閃爍，水決微微(tsuí-iann bi-bi)，這款美景，到今猶深深印佇心肝內。

閣來是水泉埤，水泉埤是長 liau 的三角形，三角尖尾的所在有拖向西北月，這個尖尾就是出水泉的所在，也就是水泉埤名稱的由來。

三角兩月有青 piàng-piàng、懸拄天(kuân tú thinn)的大竹埕(tik-luàh)，秋風吹送，竹尾搖擺(iô-pái)，埤水猶原湏滿滿，水面猶原是平波波、金燦燦，彼陣我當咧看德國小說『茵夢湖』，心內咧想，這口埤就是我的『茵夢湖』。

佇遐拄著阿水伯仔嘛咧看牛，恰伊開講，伊講這馬的水泉埤，就親像赤壁賦(tshik-phik-hù)的「清風徐來(tshing-hong tshî lâi)，水波不興(suí-pho put hing)」，阿水伯仔是漢文仙，會曉放孔子白(pàng-khóng-tsú-pèh)。

二十外年前，公所無講無咀(tànn)，共大路開對中埤經過，農民連名欲告公所，公所知影家己短理(té-lí)，趕緊共工程停掉。毋過嘛無回復原狀，中埤就按呢予人摺腸破肚(liû-têng-phuà-tōo)，倒佇遐二十外年。

啊水泉埤呢，彼工刁工來到埤岸，看著埤中全是成人懸(tsiânn-lâng-kuân)的布袋蓮，連埤底埤水都看袂著，兩月睹幾 phō 離離落落(li-li-lak-lak)的老竹欖，真是稀微衰敗(hi-bî-sue-pài)，啊！永別囉，我少年時代的『茵夢湖』！

作者：邱文錫

☆詞彙學習☆

【大埤苦傷悲】：池塘哀歌

【六月冬】lák-guêh-tang：農曆六月的農忙時節

【牛杙仔】gû-khit-á：繫牛繩的木椿

【挖蜂岫】thà-phang-siū：摘蜂巢

【水披仔】tsuí-phi-á：小鸕鶿，候鳥

【水決】tsuí-iann：漣漪

【長 liau】têng-liau：狹長形

【竹埕】tik-luàh：狹長密集的竹林

【放孔子白】pàng-khóng-tsú-pèh：以文言文音讀文言文

【無講無咀】bô-kóng-bô-tànn：不聲不響

【短理】té-lí：理虧

【摺腸破肚】liû-têng-phuà-tōo：開膛破肚